



Sud BiH oslobodio je Srpka Pustivuka optužbi za ratni zločin na području Ilijaša 1992. godine. Sudsko vijeće je utvrdilo da Tužilaštvo BiH nije van razumne sumnje dokazalo da je Pustivuk, kao pripadnik Stanice javne bezbjednosti Ilijaš, učestvovao u ubistvu dva civila u selu Gornja Bioča u maju 1992. godine, kao i u nezakonitom zatvaranju civila u školi.

„Postoje bitne razlike između izjava očevidaca date pred sudom i tokom istrage i te razlike izazivaju sumnju (...) Odbrana je dokazala da je Srpko Pustivuk postupao kao dobar komšija i da je pokušao pomoći komšijama, koje je napala strana formacija“, obrazložila je Enida Hadžiomerović, predsjedavajuća Sudskog vijeća. Odlukom Vijeća Pustivuk je pušten iz pritvora, u kojem se nalazio od jula 2010. godine. Na prvostepenu presudu moguće je uložiti žalbu.

Birn justice report

[Preuzeto sa www.ilijas.ba](http://www.ilijas.ba)